

Wien, Österreichische Nationalbibliothek (ÖNB), Cod. 4802

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. II. Pars I. Wien 1799.

57

HIEROGRAPHICI.

58

Seph Dobrovius interpretatus est: *Karel Starší z Žerotina*, id est *Carolus Senior de Žerotin*. Vide, si lubet, ejus *Literar. Magazin für Böhmen und Mähren*, II. St. Prag. 1786. p. 33. et III. St. 1787. p. 51. ubi et eruditorum Virorum *Zlobitzkii* et *Durichii* in inclitum istud Bibliorum Exemplar habes Observata. Posterior, meus in Bohemicis *Οδηγος*, ejus non raro etiam T. I. egregiae suae *Bibliothecae Slav.* meminit.

XLII.

U. 3 Codex partim membraneus, partim chartaceus lat. Sec. XV. Folior. 342. f. commode perscriptus, rubricisque distinctus *Vetus Testamentum* continet praevia hac nota: *Hunc librum dedit pro libraria domus Collegij ducalis Clarissimus ac doctissimus vir magister Rupertus weissenburger ex pruck in sacra theologia professor fundatissimus Insuper ecclesie sancti stephani vienne canonicus predignus cuius anima deo vivat eternum feliciter.* Post alios Magistratus Academicos gestos vir hic *Leitae-pontanus Rector* praefuit a. 1469. quo simul sacras Literas exponebat. Libri porro hoc ordine se excipiunt: *Pentateuchus*, *Josue*, *Judicum*, *Ruth*, IV. *Regum*, II. *Paralipomenon*, *Esdras* cum *Nehemia* adjuncto *Libro III.* apocrypho, qui hic II. dicitur, *Tobias*, *Judith*, *Esther*, *Job*, *Machabaei*, et *Psalterium*. Omnes ab litera cubitali eleganter picturata auspicantur, et *Hieronymi Praefationi-*

bus gaudent. Praeterea singuli Libri *Mosis* Indicem Capitum suorum praferunt. *Paralipomenis* sub juncta est propria rubrica *Oratio Salomonis*; illa videlicet, quae paucis mutatis legitur L. III. Reg. c. 8. v. 23. *Psalterium* denique non vulgatum est, sed ab *Hieronymo* ex *Hebraeo* versum, prout extat in Operibus D. Doctoris, et in *Sabaterii Bibliorum Sacr. Latinis Versionib. antiq. Remis* 1743. T. II. p. 9. f. *Psalmi* tamen 2. Codex legit: *Quare turbabuntur proturbantur*, et, *Ego autem ordinavi Regem pro orditus sum*, quae lectiones *Sabaterio* non videntur occurrisse. Et sic totum *Psalterium* examinari mereretur. Adjectit Librarius ad ejus calcem spurium illum Psalmum: *Pusillus eram &c.* de quo *Fabricii Codex Pseudopigr.* V. T. p. 905. Etiam hic: *Quis annunciauit de me Domino meo*, quod non est in graeco: τις ἀναγγελει τῷ κυρίῳ με.

XLII.

Codex chartaceus lat. Sec. XV. R. 824 Folior. 456. f. max. per duas columnas probe scriptus, et picturatis initiorum literis decoratus continet sacra *Vet. Test. Biblia*, demto *Psalterio*, vulgatae interpretationis cum Prologis *Hieronymi*, ordine consueto. Liber *Nehemiae* fol. 205. p. 2. ad calcem dicitur liber *Esdras secundus*, et tamen *Esdrae tertius*, qui sequitur, etiam inscribitur *Secundus*. Inter hos duos Libros insertum est: *Hic est ordo legendarum bystoria- rum*.

Wien, Österreichische Nationalbibliothek (ÖNB), Cod. 4802

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. II. Pars I. Wien 1799.

59

I O I C O D I C E S I I I

60

rum (nempe in Officio Chori) *In septuagesima legitur genesis In sexagesima exodus In quinquagesima Leuiticus In quadragesima Dominica prima liber Numeri In dominica secunda liber deutronomij Dominica tercia liber Josue Dominica quarta liber Judicum In passione et in palmis Jeremias. Quae legendi ratio ab usu hodierno discedit. Ad calcem Esdrae tamen fatetur Librarius: Explicit Esdras tertio. Fol. 256. Parabolae Salomonis Indicem Contentorum in singulis Capitibus preeferunt. Ad Machabaeorum calcem fol. 445. rejecta est gemina in eos*

In lebete (Cratere) meo Tethys est conjuncta Lyaeo, id conferre volenti ex adscripto hic principio: Domine, qui habitas in eternum, cuius oculi elati et superiora in aere, cuius thronus inestimabilis et claritas incomprehensibilis, cui astant exercitus angelorum cum tremore, quorum seruacio in uento et in igne conuertetur, cuius uerbum firmum et dicta perseverantia &c. Hanc Confessionem excipit Liber III. Esdrae hic dictus II. Psalterium plura παραγέγνα habet: 1) Hieronymi Prologum in Versionem ex Hebraeo ad Sopbronium, qui incipit: Scio quosdam putare &c. ut edit. Vallars. T. IX. col. 1153. 2) Originem David Regis propheticie Psalmorum in numero C. et quinquaginta, quae est excerpta e spuria Hier. ad Damasum Epistola edit. cit. T. XI. col. 278. et incipit: David filius yesse cum esset in regno suo &c.

XLIII.

R. 1028 Codex chartaceus lat. Sec. XV. Folior. 475. f. min. eleganter perscriptus, coloribus distinctus et olim Domus Professorum S. J. Viennae est Pars I. Bibliorum vulgatae Interpretationis cum solitis Hieronymi Prologis. Post Librum Nehemiae *Incipit confessio Esdre*, quae nihil est aliud, quam Excerptum ex apocrypho ejus *Libro IV. c. 8. a v. 20. ad v. 37.* rarissime in aliis Codicibus Biblicalis obvium, et ditione varians ab Editis, quae ad calcem Bibliorum haberi solent. Patebit